

尚書補闕



830846

尚書補闕

咸豐元年三月上澣

方朔



尙書補闕敘



天下虛偽競尙而真實無妄之學不容于世  
 其由來久矣余少時讀周書泰誓三篇至天  
 命誅之時哉弗可失虐我則讎疑其義理矯  
 誣詞氣桀莽不類當時史臣之筆比長縱觀  
 載籍始知今本書經五十八篇中真偽淆亂  
 而泰誓其尤甚者也古尙書百篇阨于秦火  
 賴有伏生壁藏之其後兵起流亡祇存二十  
 八篇

虞夏書四堯典咎繇皋禹貢甘誓商書五湯誓般庚高宗融日西伯伐葛微子

尙書補闕

敘

一

周書十九姆誓鴻範金縢大誥康誥酒誥梓材召誥洛誥多士无佚君奭多方立政顧命柴誓呂荆文

侯之命秦誓 以教授齊魯閒漢孝文時求能

治尙書者伏生年已九十餘矣召不能行遣  
 鼂錯往受之伏生口授其女以授錯武帝時  
 民有得大誓者獻之合于伏氏之書竝列于  
 學官夏侯歐陽傳其學以隸寫之謂之今文  
 武帝末魯共王數孔子宅得壁中所藏尙書  
 五十八篇字皆科斗謂之古文孔安國得以  
 攷博士所傳多二十四篇以今文讀之皆起

獻于朝遭巫蠱事故未得列于學官漢人學  
重師承習尚書者皆以二十九篇爲備真古

文已入中秘校書者尚能察其篇目

舜典汨作九共

九篇大禹謨棄稷五子之歌嗣征湯誥咸有一德典寶伊訓肆命原命武成旅獒擊命又盤庚大誓皆析爲三分顧命王若曰以下爲康王之誥舉其遺文賈逵

馬融鄭康成皆有訓注是孔氏之真古文也

今世所謂古文者乃梅賾之僞書

僞孔氏書二十五篇

大禹謨五子之歌肩征仲虺之誥湯誓伊訓太甲三篇咸有一德說命三篇泰誓三篇武成旅獒微子之命蔡仲之命周官君陳畢命君牙囹命迨至齊建武四年姚方興于大航

尚書補闕

敘

二

頭得日若稽古帝舜二十八字遂分堯典慎徽五典以下爲舜典又分皋陶謨帝日來禹益稷非孔壁之舊文然則東晉之古文出

而西漢之古文亡淺人以僞古文爲卽安國

壁藏之書謬矣夫千年晚出之古文字畫略

無脫誤平衍卑弱如出一手殊不類三代箸

作且禹謨脗征文辭暢諧反不若盤庚大誥

之詰屈聱牙豈伏生當日授經獨記其難讀

者耶唐孔穎達不辨真僞爲之正義宋蔡沈

集傳作于朱文公歿後十年託言授意撰述

詎知朱子已早疑其僞矣後儒授學咸奉集傳爲圭臬眞僞錯雜堯典諸篇賴以倅存獨可惜者大誓一篇出于漢代立在學官至梅賾僞泰誓行而眞大誓反爲所蔽以白魚赤烏火流穀來之文乃王者膺命符瑞爲不足信而反斥之嗟乎以僞亂眞以眞爲僞幹棄周鼎而寶康瓠良堪歎耳

國朝太原閻氏元和惠氏吳縣王氏江氏金壇段氏陽湖孫氏諸家祖述漢學各有成書

尙書補闕

敘

三

而北方鄉塾知之者尠余不揆禱昧卽尙書大傳史記左傳論語孟子諸書所引大誓之文哀輯一冊并集馬鄭諸家之注以詰其義名曰尙書補闕俾學僮比而讀之孰眞孰僞必有能辨之者亦實事求是之一端云爾皆道光己酉十月旣望天津華長卿

尚書補闕

華長卿集注

周書

周代名其地在岐山之陽漢屬扶風美陽縣書著也諸經史因物立名物

有本形形從事箸聖賢闡教事顯於言言

周書四書而示法既書有法因號曰書古文二十六篇偽古文十九篇古

大誓

大誓十有一年武王伐殷一月戊午師渡孟津作大誓三篇王肅曰大誓

武王以大道誓衆傳曰周自虞芮成諸侯竝附以爲受命之年至九年

文王卒武王三年服畢觀兵孟津以上諸侯伐紂之心諸侯命同乃退以

示弱十三年正月更與諸侯期而共伐紂大誓渡津乃作大會以誓衆

大誓今文一篇古文分爲三篇上篇

尚書補闕

敘觀兵中下二篇敘伐殷事今仍爲一篇

一

惟四月。太子發上祭于畢。下至于盟津之上。

見尚書大傳盟今作孟史記作東觀兵至于

孟津。鄭康成曰四月周四月也發周武王

也卒父業故稱太子盟津地名六軍之兵東

行馬融曰畢文王墓地名也孟子曰文王卒

于畢郢祭于墓而後啟行明奉父命也江氏

曰畢星名西方宿後漢書畢爲天网主网羅

無道之君故武王將伐乃告司馬司徒司空

諸節。齊粟允哉。

見史記周本紀尚書大傳一

作信允哉大傳作亢才。白虎通云司馬主

兵司徒主人司空主地王者受命爲天地人

之職以置三公馬融曰諸節諸受符節有司

也說文下瑞信也今作節周禮有掌節之官

齊粟敬慎戰懼貌允信也

予無知以先祖先父之有德臣

左右予小子予受先公功必力賞罰以定厥

功明于先祖之遺遂興師見尚書大傳史記周本紀必力史記

作畢立厥作其必力一作戮力○先祖謂太

王王季先父謂文王不稱考者以未卒父業

也有德之臣謂祖父所遺有德行之臣如太

公周公諸臣也左右助也言我無所知惟以

先祖之臣勗我小子以定所受于先公之功

也曲禮曰天子未除喪曰子小子公事也畢

盡也說文作戮力猶勤也賞一善而衆臣勸

罰一惡而衆臣懼定成明勉也先祖之遺先

祖所留即東伐以觀諸侯師行師尚父左杖

先公功也黃戎右把白旄以號曰蒼兕蒼兕總爾衆庶

與爾舟楫後至者斬見史記齊世家成今作

曰師尚父文王于磻谿所得聖人呂尚立以

爲太師號曰尚父尊之號令以黃金飾之馬

氏曰杖持戍斧把握也黃戎以黃金飾之馬

融曰白旄犇牛尾蒼兕主舟楫官名王充論  
衡云蒼兕水中之獸也時出浮揚一身九頭  
善覆人船尚父緣河有此異物因以威衆欲  
令急渡不急渡蒼兕害汝太子發升舟中流  
楫所以擢舟也斬者軍灋

尚書補闕

曰休哉周公曰雖休勿休見尚書大傳詩周

也馬融曰魚者介鱗之物兵象也白者殷家

之正色言殷之兵衆與周之象也鄭康成曰  
白魚入舟天之瑞也魚無手足象紂無助白  
者殷正色天意若曰以殷與武王當待無賊

今尚仁人在位。未可伐也。得白魚于岸。即變稱王。應天命。定號也。涇涯也。王出于岸。上燔魚以祭。變禮也。張晏曰。周木德。舟木也。殷水德。魚水物。魚躍登舟。象諸侯順舟。以討畀武王也。說文。跪拜也。燎柴祭天也。釋詁。休美也。既渡。至于五日。有火。

自上復于下。至于王屋。流為烏。其色赤。其聲

魄。五至以穀俱來。見史記周本紀。詩思文疏。左傳作有火流于王屋。化

為赤鳥。三足鳥。一作雕。馬融曰。王屋王所居屋。流行也。雕擊鳥也。明武王能伐紂。魄然

安定意也。鄭康成曰。五日燎後。日數也。燎所

在之舍。上流猶變也。雕當為雅。雅鳥也。燎後

五日而有火。為烏。天報武王以此瑞。書說曰。烏有孝名。武王卒。父大業。故烏瑞。臻赤周之

正色。穀紀。后稷之德。禮記曰。武王赤鳥穀芒。應周尚赤。用兵。王命曰。為牟。天意若曰。須假

尚書補闕

紂五年。乃可誅之。武王即位。此時已三年矣。

穀蓋牟麥也。詩曰。詒我來牟。說文云。來。周所受瑞麥。天所來也。故為行來之來。五至猶五

來。不知為一日五來。為當異日也。言五至以

穀是第五至。乃有穀耳。然則本因烏銜來。呼

來牟。後又為行來字也。復歸也。火本在下。今

自上而下。故曰歸也。屋與幄通。小帳也。流。下

也。魄猶迫然著人也。春秋繁露。周之將興。有

大赤鳥銜穀之種。而集王屋之上。董仲舒曰。白魚入于王舟。有火復于王屋。此蓋受命之

符也。武王喜。諸大夫皆喜。周公曰。茂哉茂哉。天

之見此以勸之也。恐恃之。見尚書大傳。茂。勉也。漢

天見此瑞。以勸詩所謂上帝臨汝也。恐恃之。言天命不可恃。當敬承之。非所當喜。恐懼也。恃待也。言天之言此正以為勸勉我君臣當

恐懼以待天命。漢書云。昔武王周公承順天



地以饗魚鳥之瑞然猶使上附以周公書報

君臣祇懼動色相戒見周禮太祝疏。洪氏曰

誥于王。王動色變。上附者四鄰之疏附。周初

官名也。周公書。即上茂哉云云也。誥遂至盟

告也。動色變者。鄭氏以為振動之拜。津八百諸侯。不召自來。不期同時。不謀同詞。

皆曰。帝紂可伐矣。王曰。爾未知天命。未可伐。

乃還師歸。見史記周本紀。齊世家。馬融書敘

不期同時。詩閔宮疏。紂一作受。命一作意。

侯水經注云。河南有鉤陳壘。世傳武王伐紂

八百諸侯所會處。是時比干箕子微子尚在。

武王賢之。未敢伐也。天命武王。須夏紂五年

時猶未也。故曰未可伐。史記武王載木主號

為文王。東伐紂。伯夷叔齊叩馬而諫。曰。父死

尚書補闕

不葬。爰及于戈。可謂孝孚。以臣弑君。可謂仁

乎。左右欲兵之。太公曰。以義人也。扶而去之。

惟丙午。王逮師。見尚書大傳。詩大雅。夫去疏

也。諸侯之師。以殷十一年。戊子。先發。而武王

以周正月癸巳。始發。故至丙午及之也。史遷

說居二年。聞紂昏亂。暴虐滋甚。殺王子比干。

囚箕子。太師疵。少師彊。抱其樂器而奔周。于

是武王徧告諸侯。曰。殷有重罪。不可以不畢

獨

獨

獨

賊鼓謹呼而喜也。說文：搯，搯也。抽兵刃以習擊刺也。詩曰：左旋右搯。格，至也。至于上天下徹，上下也。聲。十三年十二月戊午，師畢渡盟。

津諸侯咸會。曰：孜孜無怠。天將有立父母。民

之有政有居。見史記周本紀詩譜敘孜一作孳。○殷十二月周一月也。孜，孜。

汲汲也。怠，緩也。立，置也。父母者，謂天子也。洪範：天子作民父母，以為天下王。政，謂法教也。

居者，安也。以為紂時國無善政，民無安居也。鄭康成曰：武王除喪，至盟津之上，紂未可伐。

還歸二年，乃遂伐之。言天將有立聖德者為天下父母，民之得有善政有安居。司馬

在前。見詩大明疏。○王肅曰：司馬，太公也。周公曰：都懋哉。予聞

古先哲王之格言。太子發拜手稽首。見周禮大祝疏。

尙書補闕

○格，正也。當為假。假言至言也。正稽古立功立事。可以永年。

傳于無窮。丕天之大理。見漢書郊祀志。平當傳：稽，攷也。鄭康成

曰：丕，大也。附下而罔上者死。附上而罔下者

刑。與聞國政而無益于民者退。在上位而不

能進賢者逐。見劉向說苑退一作斥。武王乃作大誓。告

于眾庶。今殷王紂，乃用其婦人之言，自絕于

天。毀壞其三正。見史記周本紀。婦人謂妲己。列女傳云：紂好酒淫樂，不

離妲己。妲己所舉者貴之，所憎者誅之。百姓怨望，諸侯有叛者。妲己曰：罰輕誅薄，威不立

耳。乃重刑辟為炮烙之刑。妲己乃笑，是用其婦人之言也。毀缺也。壞，敗也。鄭康成曰：三正

者天地人之正道馬融曰離邊其王父母弟

毀壞三正動逆天地人也離去也邊遠也

見史記周本紀遏古文逃○離謂之同祖昆弟

父之考為王父母弟曰弟謂離之同祖昆弟

至親者皆遠去而不用鄭康成曰王父母

弟祖父母之族必言母弟舉親者言之也四

方之逋逃多辜是宗是長是信是使見漢書

○逋逃者亾也宗者尊也牧誓乃斷棄其先

祖之樂乃為淫聲用變亂正聲怡說婦人故

今子發維其行天罰勛哉夫子不可再不可

三見史記周本紀怡一作以徐廣曰一作辭

斷也說一作悅予一作台勛一作勉○斷者絕

濫也淫聲若鄭衛也正聲謂雅樂也怡樂也

尙書補闕

史記紂淫樂嬖于婦人于是使師涓作新淫

之聲北里之舞靡靡之樂共與恭同敬也勛

勉也鄭康成曰夫子丈夫之稱再更舉也更

舉則通前觀兵為三矣史記有三令五申軍

也紂夷居不冝事上帝鬼神棄厥先神祇不

祀乃曰吾有命毋僇其務天亦縱之棄而弗

葆見墨子○夷居倨嫚也僇讀為勦力之勦

言己有命不畏鬼神毋為勦力于鬼神之

務小人見姦巧乃聞不言也發擗鈞見墨子

○發發覺也鈞同也孟子曰此言見淫辟

不以告者其擗亦猶淫辟者也王曰無畏

盜爾也非敵百姓也若崩厥角稽首見孟子

○趙岐曰武王令般人曰無驚畏我來安止爾也百

姓歸周若崩厥角額角犀厥地稽首拜命亦

以首至地也。紂有億兆夷人，亦有離德。余有亂十

人，同心同德。見左傳。十萬曰億，十億曰兆。夷人

平民也。余我亂治也。十人謂文母周公太公

召公畢公榮公太顛闕天散宜生南宮括

天視自我民視，天聽自我民聽。見孟子。趙

言天之視聽從人所欲也。天聰明自我民聰明。見詩大雅

民之所欲，天必從之。見左傳。天降下民作之君

作之師，惟曰其助上帝寵之。四方有辜無辜

惟我在，天下曷敢有越厥志。見孟子。趙岐

為作君為作師以助天光寵之也。四方善惡皆在己，所謂在予一人。天下何敢有越其志

尚書補闕

者朕寤協朕卜，襲于休祥，戎商必克。見國語

曰朕武王自謂也。協合也。襲亦合也。休美也。祥福之先見者也。戎兵也。言武王寤與十合

又合美善之祥以兵伐殷當必克之。文王若日若月，照光于四

方。于西土。見墨子。即此言文王之兼愛天下

之無有也。予克紂，非予武，惟朕文考無辜，紂克

予，非朕文考有辜。惟予小子無良。見禮記坊

成曰克勝也。非予武非我功也。文考文王也。無辜則言有德也。無良無功善也。惡乎

君子而有顯德，其行甚章，為鑑不遠，在彼殷王，謂人有命，謂敬不可行，謂祭無益，謂暴無

傷。上帝不常。九有以亡。上帝不順。祝降其喪。

惟我有周受之大命。

見墨子。昔有紂執有命而行。武王為大誓發。

以非獨夫紂。

見荀子。紂殘虐眾叛親離。故曰獨夫。孟子曰。殘賊之人謂之

一夫。獨夫

猶一夫也。有臣億萬人。亦有億萬之心。武王

有臣三千而一心。

見管子。孟子曰。武王伐殷。虎賁三千人。此有臣三

千謂虎賁也。

雖有周親。不如仁人。百姓有過。在予

一人。

見論語。孔氏曰。周至也。言紂至親雖多。不如周家之多仁人。

我武惟

揚。侵于之疆。則取于殘。殺伐用張。于湯有光。

見孟子。趙岐曰。我武王用武之時。惟鷹揚也。侵紂之疆界。則取于殘賊者。以張殺伐之

尚書補闕

八

功也。民有簞食壺漿之歡。比于湯伐桀。為有光寵。美武王德優前代也。諸傳記引太誓皆

古大誓也。

男光鼐

鼎元

鼐

校字

